

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**Rješenje**

**po Prijavi namjere koncentracije privrednog subjekta Rio Tinto, London i privrednog subjekta Alcan, Montreal**

**Sarajevo**  
**Decembar 2007. godine**



Broj: 01-06-26-025-13-II/07  
Sarajevo, 03. decembra 2007. godine

Na osnovu člana 25. stav (1) tačka e), člana 42. stav (1) tačka d) i člana 43. stav (2), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», broj 48/05 i 76/07) i člana 193. stav (2) Zakona o upravnom postupku («Službeni glasnik BiH», br. 29/02, 44/02), a po Prijavi namjere koncentracije privrednog subjekta Rio Tinto Plc, 6 St. James's Squar, London, SW1Y 4 LD, Ujedinjeno Kraljevstvo Velike Britanije i Sjeverne Irske, i privrednog subjekta Alcan Inc, 1188 Sherbrooke Street West, Montreal, Quebec H3A 3G, Kanada, podnesene po Preduzeću za konsalting i usluge Karanović & Nikolić, Gundulićeva 4, 78000 Banja Luka, Bosna i Hercegovina, dana 02. avgusta 2007. godine pod brojem: 01-06-26-025-II/07, Konkurencijsko vijeće, na 55. (pedesetpetoj) sjednici održanoj dana 03. decembar 2007. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu eksploatacije i prerade rude boksita, proizvodnje i prerade poluproizvoda i proizvoda od aluminijuma u Bosni i Hercegovini koja nastaje sticanjem kontrole nad svim dionicama privrednog subjekta Alcan Inc, 1188 Sherbrooke Street West, Montreal, Quebec H3A 3G, Kanada od privrednog subjekta Rio Tinto Plc, 6 St. James's Squar, London, SW1Y 4 LD, Ujedinjeno Kraljevstvo Velike Britanije i Sjeverne Irske, odnosno od privrednog subjekta Rio Tinto Canada Holding Inc, koji je u vlasništvu privrednog subjekta Rio Tinto Plc.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo Prijavu namjere koncentracije (u daljem tekstu: Prijava), privrednog subjekta Rio Tinto Plc, 6 St. James's Squar, London, SW1Y 4 LD, Ujedinjeno Kraljevstvo Velike Britanije i Sjeverne Irske (u daljem tekstu: podnosilac Prijave ili Rio Tinto), kojom privredni subjekt Rio Tinto odnosno privredni subjekt Rio Tinto Canada Holding Inc (društvo u vlasništvu privrednog subjekta Rio Tinto) namjerava steći kontrolu nad svim izdatim i upisanim običnim dionicama privrednog subjekta Alcan Inc, 1188 Sherbrooke Street West, Montreal, Quebec H3A 3G, Kanada (u daljem tekstu: Alcan). Predmetna Prijava je podnesena po Preduzeću za konsalting i usluge Karanović & Nikolić, Gundulićeva 4, 78000 Banja Luka, Bosna i Hercegovina, dana 02. avgusta 2007. godine pod brojem: 01-06-26-025-II/07.

Uvidom u dostavljenu Prijavu Konkurencijsko vijeće je utvrdilo da ista nije kompletna, u smislu člana 30 Zakona o konkurenciji (u daljem tekstu: Zakon) te je u skladu s članom 31. istoga Zakona zatražilo dopunu iste (akt broj: 01-06-26-025-1-II/07 dana 06. avgusta 2007. godine; akt broj: 01-

06-26-025-4-II/07 dana 27. septembra 2007. godine i akt broj: 01-06-26-025-7-II/07 dana 09. oktobra 2007. godine).

Podnosilac Prijave u skladu sa zahtjevima Konkurencijskog vijeća je dopunio Prijavu nedostajućom dokumentacijom (akt broj: 01-06-26-025-2-II/07 dana 13. avgusta 2007. godine; akt broj: 01-06-26-025-3-II/07 dana 31. avgusta 2007. godine; akt broj: 01-06-26-025-5-II/07 dana 08. oktobra 2007. godine; akt broj: 01-06-26-025-6-II/07 dana 08. oktobra 2007. godine; akt broj: 01-06-26-025-8-II/07 dana 15. oktobra 2007. godine; akt broj: 01-06-26-025-9-II/07 dana 15. oktobra 2007. godine; akt broj: 01-06-26-025-10-II/07 dana 18. oktobra 2007. godine).

Po prijemu tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu s članom 30. stav (3) Zakona, dana 07. novembra 2007. godine broj: 01-01-26-025-11-II/07.

Konkurencijsko vijeće u postupku ocjene predmetne koncentracije je utvrdilo sljedeće činjenice:

Podnosilac Prijave je podnio predmetnu Prijavu u vremenskom roku od 8 (osam) dana od dana zaključivanja sporazuma privrednih subjekata sudionika koncentracije odnosno javne ponude dionica, u smislu člana 16. stav (1) Zakona, te se ista smatra podnesenom u Zakonom utvrđenom vremenskom roku.

Podnosilac Prijave je podnio Prijavu, pored Konkurencijskog vijeća Bosne i Hercegovine, i Komisiji za zaštitu konkurencije Republike Srbije, tijelu za konkurenciju Evropske komisije, kao i nadležnim tijelima za zaštitu konkurencije Australije, Brazila, Kanade, Kine, Japana, Meksika, Novog Zelanda, Rusije, Južne Afrike, Sjeverne Koreje, Švicarske, Tajvana, Turske, Sjedinjenih Američkih Država.

Ukupni godišnji prihodi privrednih subjekata sudionika predmetne koncentracije, po završnom računu u godini koja je prethodila predmetnoj koncentraciji, dana 31. decembar 2006. godine, iznose:

Tabela 1.

	Rio Tinto		Alcan	
	KM	US\$	KM	US\$
Svijet	(..)** <sup>1</sup> miliona	(..)** miliona	(..)** miliona	(..)** miliona
Bosna i Hercegovina	241.052,34	168.250,40	194.694,24	135.893,24

Ukupni godišnji prihodi (Tabela 1.) privrednih subjekata sudionika predmetne koncentracije iznose preko 100.000.000,00 KM odnosno privredni subjekt Rio Tinto je ostvario (..)\*\* miliona KM odnosno privredni subjekt Alcan (..)\*\* miliona KM. Budući da je podnosilac Prijave, u smislu člana 14. stav (1) tačka a) Zakona, ispunio uslov ostvarenog ukupnog prihoda i uslov da je najmanje jedan privredni subjekt sudionik koncentracije registrovan na teritoriji Bosne i Hercegovine (Preduzeće za geološka istraživanja i eksploataciju ruda Rio Sava Mining d.o.o. Lopare u vlasništvu je privrednog subjekta Rio Tinto) isti je ima obavezu da podnese Prijavu.

### Pravni osnov i oblik koncentracije

Privredni subjekt Rio Tinto odnosno privredni subjekt Rio Tinto Canada Holding Inc. (društvo u vlasništvu privrednog subjekta Rio Tinto), i privredni subjekt Alcan zaključili su Ugovor o načinu provođenja predmetne transakcije /koncentracije (u daljem tekstu: Ugovor). U skladu sa uslovima

<sup>1</sup> Napomena: (..)\*\* - Podaci predstavljaju poslovnu tajnu, u smislu člana 38. Zakona o konkurenciji.

predmetnog Ugovora privredni subjekt Rio Tinto treba dati ponudu za kupovinu svih dionica privrednog subjekta Alcan, dok se isti saglasio da će podržati predmetnu ponudu i da neće podnijeti kontra-ponudu za predmetnu transakciju.

Upravni odbor privrednog subjekta Rio Tinto i privrednog subjekta Alcan, dana 12. jula 2007. godine, su postigli sporazum da privredni subjekt Rio Tinto podnese ponudu za plaćanje u gotovom novcu cjelokupnog osnovnog kapitala privrednog subjekta Alcan u vrijednosti od oko (.)\*\* milijardi KM ((.)\*\*milijardi US\$) sa vrijednošću (.)\*\* KM ((.)\*\* US\$) za jednu običnu dionicu privrednog subjekta Alcan.

Nakon završetka predmetne transakcije (u vremenskom roku od 120 dana od datuma ponude) privredni subjekt Rio Tinto treba da postane vlasnik svih dionica (običnih i upisanih), izdatih od strane privrednog subjekta Alcan. Ako u navedenom vremenskom roku bude prihvaćeno ne manje od 90,0% upisanih običnih dionica od strane vlasnika dionica (privrednog subjekta Alcan) privredni subjekt Rio Tinto namjerava naknadno preuzeti preostali dio običnih dionica od dioničara koji nisu prihvatili ponudu. Prema uslovima iz ponude, minimalno 66 2/3% upisanih običnih dionica i više od 50,0% dionica s pravom glasa, a koja su u vlasništvu samostalnih dioničara treba biti deponovano.

Predmetna ponuda privrednog subjekta Rio Tinto je dostavljena privrednom subjektu Alcan dana 24. jula 2007. godine i ostaje otvorena za prihvatanje do dana 21. septembra 2007. godine.

Na osnovu navedenoga Konkurencijsko vijeće je utvrdilo ponudu privrednog subjekta Rio Tinto za sticanje izdatih i upisanih običnih dionica privrednog subjekta Alcan kao pravni osnov predmetne koncentracije, dok obaveza za podnošenje Prijave teče od dana 24. jula 2007. godine (dana dostavljanja ponude privrednom subjektu Alcan).

Pravni oblik predmetne koncentracije je promjena kontrole odnosno sticanje direktne kontrole od privrednog subjekta Rio Tintoodnosno kupovina većine dionica u privrednom subjektu Alcan, u smislu člana 12. stav (1) tačka b) pod 1) Zakona.

### **Sudionici predmetne koncentracije**

Sudionici predmetne koncentracije su privredni subjekt Rio Tinto Plc, 6 St. James's Squar, London, SW1Y 4LD, Ujedinjeno Kraljevstvo Velike Britanije i Sjeverne Irske odnosno privredni subjekt Rio Tinto Canada Holding Inc. (društvo pod direktnom kontrolom privrednog subjekta Rio Tinto) i privredni subjekt Alcan Inc, 1188 Sherbrooke Street West, Montreal, Quebec H3A 3G, Kanada.

#### ***Privredni subjekt Rio Tinto***

Privredni subjekt Rio Tinto Plc, 6 St. James's Squar, London, SW1Y 4LD, Ujedinjeno Kraljevstvo Velike Britanije i Sjeverne Irske, je registrovan u Kancelariji za privredne subjekte grada Cardiff pod brojem: 719885 od dana 13. marta 1962. godine.

Međunarodna Grupa Rio Tinto Plc, 6 St. James's Squar, London, SW1Y 4LD, Ujedinjeno Kraljevstvo Velike Britanije i Sjeverne Irske, djeluje u istraživanju, eksploataciji i preradi ruda u aluminijum, bakar, željezo, eksploataciji zlata, industrijskih minerala (boraks, titanijum dioksid, so, talk), prizvodnji energije (ugljena, uranijuma) i eksploataciji dijamanata itd. Grupa Rio Tinto djeluje na tržištu Australije, Novog Zelanda, Kanade, Južne Amerike (Paragvaja, Argentine, Brazila itd), Evrope (Velike Britanije, Belgije, Njemačke itd), Azije (Japana, Hong Konga, Indonezije, Malezije, Tajlanda, Singapura itd), Sjedinjenih Američkih Država, Južne Afrike itd.

Organizacionu strukturu Grupe Rio Tinto sačinjava privredni subjekt Rio Tinto (i njegove podgrupe) i privredni subjekt Rio Tinto Limited (i njegove podgrupe).

Privredni subjekt Rio Tinto Limited, društvo sa ograničenom odgovornošću, Collins Street 120, Melburn, Viktorija, Australija je osnovan i djeluje prema zakonima Australije.

Privredni subjekt Rio Tinto Canada Holding Inc, dioničarsko društvo, Suite 1800, 770 Sherbrooke Street West, Montreal, Quebec, Canada H3A 1G1 (društvo u vlasništvu privrednog subjekta Rio Tinto) je osnovan prema zakonima Kanade isključivo za davanje i otvaranje ponude za sticanje dionica privrednog subjekta Alcan.

### ***Povezana društva privrednog subjekta Rio Tinto u Bosni i Hercegovini***

Privredni subjekt Rio Tinto, preko svojih povezanih društava, u Bosni i Hercegovini ima u vlasništvu privredni subjekt Preduzeće za geološka istraživanja i eksploataciju ruda Rio Sava Mining d.o.o. Bijeljina, ulica Mačvanska 57. (u daljem tekstu: Rio Sava Mining), upisan u sudski registar Osnovnog suda u Bijeljini pod brojem: 1-5145 dana 11. maja 2001. godine. Rješenjem Osnovnog suda u Bjeljini (Fi-759/03 od dana 16. marta 2004. godine) sjedište privrednog subjekta Rio Sava Mining je premješteno u Lopare, Braće Gligorević 2.

Onivački kapital privrednog subjekta Rio Sava Mining iznosi ukupno (..)\*\*KM ((..)\*\*US\$) upisan je i uplaćen u gotovom novcu od privrednog subjekta Rio Tinto Minerals Development Limited (ima ukupno 70,0% vlasničkog udioa), 6 St. James's Squar, London, SW1Y 4LD, Ujedinjeno Kraljevstvo Velike Britanije i Sjeverne Irske (u daljem tekstu: Rio Tinto Minerals Development Limited), registracijski broj: 281218 od dana 02. novembra 1933. godine i privrednog subjekta Rio Tinto Nominees Limited (ima ukupno 30,0% vlasničkog udioa) James's Squar, London, SW1Y 4LD, Ujedinjeno Kraljevstvo Velike Britanije i Sjeverne Irske, 8 (u daljem tekstu: Rio Tinto Nominees Limited), registracijski broj: 1181093 od dana 16. avgusta 1974. godine.

Osnovne djelatnosti privrednog subjekta Rio Sava Mining su istraživanje i vađenje raznih ruda, minerala, plina, soli, šljunka, kamena, gipsa na teritorijui Bosne i Hercegovine, proizvodnja i prerada ruda, gvožđa, lakih metala i obojenih metala, trgovina na veliko metalima, drvetom, građevinskim materijalom, hemijskim proizvodima, usluge uvoza izvoza roba, inženjering, istraživačko razvojne usluge i povezane djelatnosti.

Prodaju proizvoda iz asortimana privrednog subjekt Rio Tinto u Bosni i Hercegovini (iznosi ukupno 241.052,34 KM) prije svega željeza velike čistoće ne obavlja privredni subjekt Rio Sava Mining nego nezavisni privredni subjekti /distributivne mreže i uvoznici.

### ***Privredni subjekt Alcan***

Privredni subjekt Alcan Inc, dioničarsko društvo, 1188 Sherbrooke Street West, Montreal, Quebec H3A 3G, Kanada, je osnovan i djeluje prema zakonima Kanade. Privredni subjekt Alcan, je matična kompanija međunarodne Grupe Alcan.

Prema podacima iz Prijave privredni subjekt Alcan dana 26. februara 2007. godine je imao oko (..)\*\* dioničara, od kojih najveći vlasnički udio od (..)\*\*% ima privredni subjekt Paulson & Co. Inc, Kanada (jedini dioničar sa vlasničkim udjelom većim od (..)\*\*%).

Glavne djelatnosti privrednog subjekta Alcan su eksploatacija i prerada rude boksita u specijalne

vrste poluproizvoda i finalnih proizvoda, proizvodnja aluminijske ambalaže, kao i istraživanje i razvoj u navedenim djelatnostima.

Privredni subjekt Alcal djeluje na tržištu Evrope (Velike Britanije, Francuske, Švicarske, Nizozemske), Sjeverne Amerike, Afrike (Južne Afrike, Gane, Kameruna, Egipta, Maroka, Centralno Afričke Republike, Senegala, itd) itd.

Prodaju proizvoda iz asortimana privrednog subjekta Alcan u Bosni i Hercegovini (ukupno iznosi 194.694,24 KM), prije svega, aluminijske ambalaže i finalnih proizvoda od aluminijuma obavljaju nezavisni privredni subjekti /distributivne mreže i uvoznici.

Privredni subjekt Alcan nema registrovanih subsidijarnih privrednih subjekata u Bosni i Hercegovini.

### **Analiza relevantnog tržišta**

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda /usluga koji su predmet obavljanja djelatnosti na određenom geografskom tržištu.

Relevantno tržište proizvoda predmetne koncentraciji obuhvata eksploataciju i preradu rude boksita, proizvodnju i preradu poluproizvoda i proizvoda od aluminijuma.

Relevantno geografsko tržište predmetne koncentracije obuhvata cijelu teritoriju Bosne i Hercegovine budući da sudionici predmetne koncentracije djeluju na cijeloj teritoriji Bosne i Hercegovine

Prema navedenom, pod relevantnim tržištem predmetne koncentraciji se podrazumjeva eksploatacija i prerada rude boksita, proizvodnja i prerada poluproizvoda i proizvoda od aluminijuma na cijeloj teritoriji Bosne i Hercegovine.

Konkurencijsko vijeće pri određivanju relevantnog tržišta je uzelo u obzir da privredni subjekt Rio Tinto i privredni subjekt Alcal, djeluju na svjetskom nivou, i da se preklapaju u industriji aluminijuma (djeluju na gotovo svim nivoima lanca snabdijevanja aluminijumom - vađenje rude boksita, prerada u aluminijski oksid /glinicu odnosno u primarni aluminijum).

Konkurencijsko vijeće u analizi relevantnih tržišta sudionika koncentracije i njihovih konkurenata, na svjetskom nivou, je koristilo podatke iz Prijave, dok u analizi relevantnih tržišta u Bosni i Hercegovini je koristilo podatke Agencije za statistiku Bosne i Hercegovine.

### ***Analiza relevantnog tržišta na svjetskom nivou***

Tržišni udjeli sudionika koncentracije i konkurenata, na svjetskom nivou, u eksploataciji i preradi rude boksita, na dan 31. decembra 2006. godine (Tabela 2.), iznose:

Tabela 2.

Rb	Naziv proizvođača	Ostvarena proizvodnja	Proizvodni kapaciteti	Ostvarena prodaja
1.	Alcoa- SAD	19,3%	20,1%	16,3%
2.	UC Rusal - Rusija	8,6%	9,3%	7,2%
3.	BHP Billiton-Velika Britanija	7,3%	7,6%	3,1%
4.	<b>Rio Tinto - Velike Britanije</b>	<b>7,0%</b>	<b>7,3%</b>	<b>8,2%</b>
5.	<b>Alcan -Kanada</b>	<b>5,6%</b>	<b>6,3%</b>	<b>6,1%</b>
6.	Ostali	52,2%	49,4%	59,1%
	Ukupno	100,0%	100,0%	100,0%
	<b>Ukupno (Rio Tinto+Alcan)</b>	<b>12,6%</b>	<b>13,6%</b>	<b>14,3%</b>

Tržišni udjeli sudionika koncentracije i konkurenata, na svjetskom nivou, u proizvodnji aluminijumskog oksida, na dan 31. decembar 2006. godine (Tabela 3.), iznose:

Tabela 3.

Rb	Naziv proizvođača	Ostvarena proizvodnja	Proizvodni kapaciteti	Ostvarena prodaja
1.	Alcoa -SAD	20,3%	20,2%	21,4%
2.	UC Rusal -Rusija	15,4%	15,0%	0,1%
3.	Chalco - Kina	13,0%	12,4%	15,0%
4.	<b>Rio Tinto - Velike Britanije</b>	<b>3,9%</b>	<b>4,1%</b>	<b>4,0%</b>
5.	<b>Alcan - Kanada</b>	<b>7,7%</b>	<b>7,7%</b>	<b>0,0%</b>
6.	Ostali	39,7%	40,6%	59,5%
	Ukupno	100,0%	100,0%	100,0%
	<b>Ukupno (Rio Tinto+Alcan)</b>	<b>11,6%</b>	<b>11,8%</b>	<b>4,0%</b>

Tržišni udjeli sudionika koncentracije i konkurenata, na svjetskom nivou, u proizvodnji primarnog aluminijuma, na dan 31. decembar 2006. godine (Tabela 4.), iznose:

Tabela 4.

Rb	Naziv proizvođača	Ostvarena proizvodnja	Proizvodni kapaciteti	Ostvarena prodaja
1.	Alcoa -SAD	11,9%	11,3%	7,1%
2.	UC Rusal (zajedno s SUAL i Glencore) -Rusija	11,6%	10,5%	13,2%
3.	<b>Rio Tinto - Velika Britanija</b>	<b>7,0%</b>	<b>7,3%</b>	<b>8,2%</b>
4.	<b>Alcan -Kanada</b>	<b>5,6%</b>	<b>6,3%</b>	<b>6,1%</b>
5.	Ostali	63,9%	64,6%	65,4%
	Ukupno	100,0%	100,0%	100,0%
	<b>Ukupno (Rio Tinto+Alcan)</b>	<b>12,6%</b>	<b>13,6%</b>	<b>14,3%</b>

Tržišni udjeli sudionika koncentracije (Tablice 2, 3. i 4.) pokazuju da su predmetna relevantna tržišta fragmentirana i da na svakom pojedinačnom predmetnom tržištu postoji odgovarajuća tržišna konkurencija te da spadaju u srednje koncentrisana tržišta. Na svjetskom nivou na relevantnom tržištu se nastavlja trend kontinuiranog vertikalnog integrisanja /povezivanja privrednih subjekata na svim nivoima u lancu snabdjevanja - od vađenja rude boksita do proizvodnje aluminijuma, u koji spada i ova koncentracija.

#### *Analiza relevantnog tržišta u Bosni i Hercegovini*

U Bosni i Hercegovini na relevantnom tržištu eksploatacije rude boksita djeluje nekoliko privrednih subjekata i to u: Jajcu, Posušju, Širokom Brijegu, Čitluku, Vlasenici, Milićima, Srebrenici, Bosanskoj Krupi, dok na relevantnom tržištu proizvodnje glinice djeluje privredni subjekt Fabrika glinice Birač, d.d. Zvornik (vlasnik privredni subjekt Ukio Banko Investment Group, Kaunas,

Republika Litvanija) te na relevantnom tržištu proizvodnje primarnog aluminijuma djeluje privredni subjekt Aluminijum d.d. Mostar.

Prema podacima Agencije za statistiku Bosne i Hercegovine (za 2006. godinu) ukupno je proizvedeno u Bosni i Hercegovini 1.031.618 tona rude boksita, oko 447.260.000 kg aluminijumskog oksida (glinice), te 120.000 tona primarnog aluminijuma. Ukupna navedena proizvodnja relevantnih proizvoda u Bosni i Hercegovini ima neznatan tržišni udio u ukupnoj svjetskoj proizvodnji /prodaji relevantnih proizvoda.

Prema podacima iz Prijave privredni subjekti sudionici predmetne koncentracije nemaju direktnu poslovnu saradnju sa privrednim subjektima koji djeluju u relevantnom tržištu Bosne i Hercegovine.

### **Procjena predmetne koncentracije**

Konkurencijsko vijeće analizom podataka je ocijenilo da provođenjem namjeravane koncentracije privrednog subjekta Rio Tinto i privrednog subjekta Alcal neće doći do promjene tržišnih udjela na relevantnom tržištu u Bosni i Hercegovini.

Također, Konkurencijsko vijeće ocjenjujući i analizirajući efekte predmetne koncentracije na relevantnom tržištu koji se odnose na strukturu relevantnog tržišta, njenih efekata na stvarne i potencijalne konkurente, trendove ponude i potražnje relevantnih proizvoda i druge efekte, u smislu člana 17 Zakona, je utvrdilo da predmetna koncentracija neće spriječavati, ograničavati ili narušavati tržišnu konkurenciju na relevantnom tržištu.

Prema navedenom Konkurencijsko vijeće je ocijenilo da provođenje predmetne koncentracije neće imati negativne efekte na tržište Bosne i Hercegovine te je odlučilo kao u dispozitivu ovoga Rješenja.

### **Administrativna taksa**

Na ovo Rješenje podnosilac Prijave, u skladu sa članom 2. stav (1) tarifni broj 107 tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

### **Pouka o pravnom lijeku**

Protiv ovoga Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

**Predsjednik**

**Sanja Božić**